



# Alti A.B.C.-Clique

1900—1934

Mir singe 's A. B. C. !  
Es isch kai Schuelgebätt, und au  
Kai Frontegalschterzank — — —  
Es isch e Schnitzelbank!  
He jo, he nai — — —  
E Drägg goht's au der Schmuser a,  
Denn dä het — 's isch doch woher —  
Si Fasnacht 's ganzi Johr!

Der Salomo sait «Sum :  
D'Stadt Basel isch e Knotepunkt.»  
Der Steuri sait em «Schwob»  
Und wird entsprächend grob !  
He jo, he nai — — —  
Wenn's Musigghör bi'm Stärne-n-us  
Nid nooloht, git's am Rhy  
Di scheenschtli Harmonie — — —

Jetzt isch der «Heimetschutz»  
Der Volgsbangg hindenusepfitzt !  
Und Keine isch dra schuld — — —  
Und d'Esel hän Giduld !  
He jo, he nai — — —  
Stawisky, wär'sch e Schwyzer g'si,  
D'no läbtisch ungenert  
Und wurd'sch no bangsioniert !

E Halleschwimmbad git's !  
E Fiddleschwemmi comme il faut,  
Und mänge böse Schlänz  
Trybt Scheenheitskonkurränz.  
He jo, he nai — — —  
Und 's Nachtigallewäldell  
Kriegt Dancing, Baiz und Bar!  
Isch ebbis nid ganz C l a r ?

En A. C. V.-Revue — — —  
Das gitt im Konsumänt der Gyggs,  
Und 's gseht sy eig'ni Schand  
Der Detaillischtstand !  
He jo, he nai — — —  
's Ballet het zeigt, dass d'Konsum-Metzg  
Di erscht' isch, wie de weisch:  
Im Sau- und Gitzifleisch — — —

Der Globus het sich g'macht!  
Der Beppi schimpft und duet wie lätz  
So zirka vierzäh Däg — — —  
Und goht sy «alte Wäg» — — —  
He jo, he nai — — —  
Der Basler Krämerzopf vergisst  
Uf jede Fall dä Schmäz —  
Au mitte-n-in sym Härz !!

Wer jetz hyrote will,  
Dä ka' sich g'nau berote loh  
No v o r der Hochzytsnacht,  
Wie-me das und säll au macht.  
He jo, he nai — — —  
Me mungglet zwor so allerhand :  
Es käm' der amtlig Rot  
In de meischte Fälle z'spoht — — —

Der schwarzi Panther haut's  
Dur d'Latte in's Sankt Gallerland  
Vor lutter Angscht und Not  
In Sache «Martertod» — — —  
He jo, he nai — — —  
E Zircherschnure frisst so Zyg  
Mitsamt em Belz und Schwanz  
Der breitewäg und ganz !

---

**Kemmet alli am Sunntig z'obe noch der Fasnacht  
am Sibenl in Musigsaal zuem Schlussobe vo: de  
Comité-Schnitzelbängg.**